

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Y.B. LAKSAMANA PERTAMA MOHAMAD IMRAN BIN ABD HAMID (B) [LUMUT]

TARIKH : 23.5.2016

SOALAN :

Laksamana Pertama Mohamad Imran bin Abd Hamid (B) [Lumut] minta **MENTERI PENDIDIKAN** menyatakan cadangan menawarkan bakal pesara tentera yang berkelayakan mengambil Diploma Kaunseling seterusnya menjawatkan mereka di sekolah-sekolah bagi mengatasi masalah disiplin pelajar sejurus bersara.

JAWAPAN

Tuan Yang di-Pertua,

Kementerian Pendidikan Malaysia (KPM) tidak bercadang untuk menempatkan pesara tentera di sekolah kerana dasar pengambilan dan penempatan guru termasuk Guru Bimbingan dan Kaunseling tertakluk kepada syarat-syarat yang telah ditetapkan.

Pada masa ini, KPM melaksanakan pelbagai pendekatan dalam menangani masalah disiplin di sekolah termasuk menggunakan pengaruh rakan sebaya. Penubuhan Pembimbing Rakan Sebaya (PRS) merupakan pemudah cara dalam membantu rakan murid yang mempunyai masalah disiplin di sekolah. PRS dilatih oleh Guru Bimbingan dan Kaunseling dalam aspek kemahiran membantu, asas

komunikasi dan kemahiran menyelesaikan masalah. PRS juga merupakan saluran pilihan bagi murid mencurahkan emosi dan perasaan kepada rakan sebaya yang mungkin sukar diluahkan kepada orang dewasa.

Selain daripada itu, KPM turut mengadakan kerjasama dengan agensi kerajaan yang lain untuk menangani isu gejala sosial melalui Program Remaja Berwawasan. Antara agensi utama yang telah dilibatkan adalah Angkatan Tentera Malaysia (ATM), Polis DiRaja Malaysia (PDRM). Manakala Jabatan Perpaduan Negara dan 1Malaysia *For Youth* (1M4U) juga dilibatkan melalui kerjasama khususnya dari segi pelaksanaan program tersebut.